

Remitido

Boycott Fundacion Respeta Bida

Diabierna dia 17 di December 2010 a keda institui e Fundacion RESPETA BIDA. E fundacion aki tin como meta pa: salvaguardia derechonan di cada miembro di e sociedad Arubano; promove tolerancia, solidaridat, libertad y igualdad di cada con-ciudadano; lucha particularmente contra practicanan di: racismo, anti-semitismo y xenophobia cu por lanta cabes atrobe.

Na prome lugá e Fundacion aki ta sali for di bista eroneo cu aki na Aruba lo tin problema grandi cu discriminacion, xenofobia, anti-semitismo. Esaki ta e colmo di mas grandi pa e Pueblo Arubano cu ni sa mes kico ta xenofobia of anti-semitismo, pasobra na Aruba nos no tin un practica di discriminacion. Pa papia di anti-semitismo ta un hilaridad.

E Arubiano no sa mes kico e palabra aki kiermen; pa bin cu un Fundacion pa e dos, tres personanan Hudiu cu ta biba aki na Aruba pa centenares di añanan sin problema. Al contrario ta e Hudiu ta esnan cu a y ta probecha mas tanto di e bonanza cu Aruba a conoce durante añanan; sin ningun problema aki na Aruba. Pa centenares di aña e Pueblo di Aruba a ricibi emigrantenan di exterior y a acepta cu e emigrantenan aki ta forma nan lugá aki na Aruba.

Na momento cu Lago a habri su portanan na aña 1924 centenares di personanan a haci Aruba nan cas y e Pueblo di Aruba a acepta e personanan aki sin ningun problema. Despues

den añanan 50 tabatin un otro ola di inmigracion na momento cu Surnamnan y Hulandesnan Europeo a bin establece nan mes na Aruba pa bin traha como maestro, maestranan di scol y como ambtenaarnan.

Arubianonan semper tabata dispuesto na acepta e inmigrantenan aki como otro miembronan di e comunidad. Si e personanan cu ta miembro di e Fundacion aki a tuma un tiki mas di nan tempo nan por a haci research y nan por a lesa e buki di señora Vera Green cu a haci un PhD-onderzoek y a constata cu e yiunan di e inmigrantenan aki a integra masha bon mes den e comunidad Arubano y cu nan no kier sa mes di e país for di unda nan mayornan ta bin, pasobra cu e yiunan di e inmigrantenan aki ta sinti nan mes orguyoso di

ta Arubiano. Ta e ola grandi di inmigrantenan di paisnan di Latino America cu a bin establece nan mes aki na Aruba despues di Status Aparte a crea problema pa nan mes pasobra cu nan no kier integra den e país cu ta ofrece nan tur beneficinan.

Ta e inmigrantenan aki no kier papia nos idioma Papiamentu. Ta e inmigrantenan aki ta bin aki na Aruba y nan ta kere cu ta nan ta bin manda ariba e Arubiano, pasobra den nan opinion Arubianonan lo ta floho y otro cosnan menos bunita. Ta e inmigrantenan aki ta crea problema ora nan no ta respeta e hogarnan Arubiano y nan ta bay cu e casanan di e muhenan Arubiano, causando asina tanto divorcio aki na Aruba. Na e miembronan di e Fundacion Respeta Bida, mi kier a bisa cu no kere di bin hunga mooi weer aki

na Aruba cu un fundacion cu na mi parecer kier bin discrimina e Arubiano den su propio cas, pasobra e indjan den nos lo sa di defende su mes. Ora Bo ta sembra, Bo ta cosecha. No lubida cu e indjannan den siglonan pasa, ora nan a haya nan mes confronta cu un enemigo den nan propio cas a zorg pa sanger a drama den Rooi Frances. No laga historia mester ripiti su mes ora cu un Fundacion cu kier mishu cu e integridad di e Arubiano pa expresa su mes den su propio cas.

Ta e Arubiano ta biba na Aruba y esnan cu kier bin establece nan mes aki na Aruba mester sa cu nan tin cu respeta nos norma, balornan, cultura y esaki ta inclui nos idioma Papiamentu. No laga cu Boso Fundacion Boso laga e Arubiano propio sinti su mes menasa den

su propio cas y cu ta bay tuma ley den su propio mannan, pasobra e ora si nos lo haya victimanan di discriminacion, locual nos tin cu pidi Dios cu nos lo no conoce hamas. Dios spaar nos....

Pueblo di Aruba, ban boycott e Fundacion Repeta Bida aki, pasobra e Fundacion su meta principal ta pa discrimina e Arubiano ariba su propio suelo.

Sra. mr. Edwina Henriquez, Abogada Internacional pa Derechonan Humano y Democratizacion

Nota di Redaccion: E remitido aki ta wordo publica riba peticion di un lesado di Bon Dia Aruba. Bon Dia Aruba no ta responsabel pa e contenido.